

ХОРИЖИЙ ИНВЕСТИТОРЛАР КЕНГАШИНИНГ БИРИНЧИ ЯЛПИ МАЖЛИСИ

«Кўксарой» қароргоҳида 16 ноябрь куни Ўзбекистон Республикаси Президенти Шавкат Мирзиёев раислигида давлатимиз раҳбари ҳузуридаги Хорижий инвесторлар кенгашининг биринчи ялпи мажлиси бўлиб ўтди.



Тадбирда Европа тикланиш ва тараққиёт банки президенти Одиль Рено-Бассо, «Suez», «Calik Holding», «Cengiz Enerji», «Halyk Bank», «VEON Group», «TBC Bank», Абу-Даби та-

раққиёт фонди, «ACWA Power», «Zeppelin International AG», «EDF», «AME International», «CNH Industrial», «Youngone Corporation», «Procter & Gamble», «Mitsui», «Sojitz Generation

DMCC», «KIA Motors», «General Electric», «John Deere», «Silverleaf», «Knauf», «White&Case» каби етакчи компания ва банklar раҳбарлари, шунингдек, халқаро молиявий инсти-

тулар — Жаҳон банки, Халқаро молиявий корпорация, Осиё тараққиёт банки ва Ислоҳ тараққиёт банки вакиллари иштирок этди.

ПРЕЗИДЕНТ ШАВКАТ МИРЗИЁЕВНИНГ ЎЗБЕКИСТОН РЕСПУБЛИКАСИ ПРЕЗИДЕНТИ ҲУЗУРИДАГИ ХОРИЖИЙ ИНВЕСТИТОРЛАР КЕНГАШИНИНГ БИРИНЧИ ЯЛПИ МАЖЛИСИДАГИ НУТҚИ

Хурматли хонимлар ва жаноблар! Мухтарам меҳмонлар! Аввало, Хорижий инвесторлар кенгашининг биринчи ялпи йиғилишининг барча иштирокчиларини самимий қутлайман. Бугунги анжуманда жаҳоннинг етакчи компаниялари ва молия институтлари раҳбарлари бўлган сиз, қадрли дўстларимиз ва ҳамкорларимизни қўриб турганимдан фойда мамнунман. Катта ижтимоий-иқтисодий аҳамиятга эга бўлган ушбу йиғилишни ташкил этишда кўрсатган қўмағи учун Европа тикланиш ва тараққиёт банки президенти хурмати Одиль Рено-Бассо хонимга ўз миннатдорлигини билдираман. Азиз дўстлар! Бугунги кунда жаҳонда жиддий глобал ўзгаришлар юз бермоқда. Дунё ҳамжамияти пандемиядан халос бўлишга улгурмай, янги қийинчилик ва синовларга дуч келмоқда. Турли зиддият ва қарама-қаршиликлар тобора кучайиб бормоқда. Чиндан ҳам, бундай оғир ва мураккаб шароитда ўзаро ишонч ва ҳурматга асосланган яқин ҳамкорлиқнинг аҳамияти ҳар томонлама ортиб бормоқда. Айна шу сабабли Хорижий инвесторлар кенгашининг бугунги йиғилиши алоҳида муҳим аҳамиятга эга, десак, ўйлайманки, тўғри бўлади.

Хурматли тадбир иштирокчилари! Сизларга яхши маълумки, биз сўнгги йилларда Ўзбекистонда кенг қўлланма ислохотларни амалга ошириб келмоқдамиз. Миллий иқтисодиётнинг очиклигини таъминлаш ва унинг жаҳон иқтисодиётига интеграцияси учун барча зарур шароитларни яратишни ислохотларнинг асосий йўналиши этиб белгиладик. Шу мақсадда валюта бозорини эркинлаштирдик, хусусий инвесторларга энергетика, геология-қидирув, кимё ва нефть қимёси, тиббиёт ва таълим каби соҳаларда фаолият юритиш имкониятларини кенгайтирдик. Мамлакатимизда коррупцияга қарши кураш давлат сиёсатининг устувор йўналишига айланди. Бу борадаги ишларни тизимли мувофиқлаштириб бориш учун алоҳида агентлик ташкил этилди. Замонавий иқтисодиёт драйвери бўлган хусусий бизнесни қўллаб-қувватлаш бўйича инқилобий қарорлар қабул қилдик. Бу соҳада икки юздан ортиқ лицензия ва рухсатномаларни бекор қилдик. Солиқларнинг умумий сони 13 тадан 9 тага қисқарди, айрим солиқ ставкалари 2 баробар камайтирилди. Келгуси йилдан бошлаб қўшилган қиймат солиғи ставкаси 15 фозидан 12 фозигача туширилади.

ЎЗБЕКИСТОН РЕСПУБЛИКАСИ ПРЕЗИДЕНТИ ЕТТБ ПРЕЗИДЕНТИ БИЛАН УЧРАШУВ ЎТКАЗДИ

«Кўксарой» қароргоҳида 16 ноябрь куни Ўзбекистон Республикаси Президенти Шавкат Мирзиёев Хорижий инвесторлар кенгашининг биринчи ялпи мажлиси ҳамда ЕИ ва Марказий Осиё ўртасидаги ўзаро боғлиқлик бўйича Самарқанд конференциясида иштирок этиш учун мамлакатимизга келган Европа тикланиш ва тараққиёт банки президенти Одиль Рено-Бассо билан учрашув ўтказди.



ЕТТБ билан самарали ҳамкорлиқнинг жорий ҳолати ва уни кенгайтириш истиқболлари кўриб чиқилди. Давлатимиз раҳбари охириги олти йилда Ўзбекистоннинг ушбу нуфузли молиявий институт билан алоқалари мисли кўрилмаган даражага кўтарилганини мамнуният билан қайд этди. Банк ижтимоий-иқтисодий дастурларни амалга оширишда Ўзбекистоннинг асосий ҳамкорларидан биридир. Учрашувда давлат-хусусий шериклик механизмларини жорий

қилиш, хусусан, энергетика, транспорт-логистика, соғлиқни сақлаш, таълим, уй-жой коммунал хўжалик соҳаларида ДХШ лойиҳаларини амалга ошириш, «яшил тараққиёт», хотин-қизлар ва ёшлар тадбиркорлигини қўллаб-қувватлаш каби устувор йўналишларда ўзаро манфаатли ҳамкорлиқни кенгайтириш юзасидан фикр алмашилди. Одиль Рено-Бассо юртимизда амалга оширилаётган ижтимоий-иқтисодий ислохотларни юксак баҳолади ҳамда сермахсул шериклиқни кенгайтиришга тайёрлигини билдирди.

Келгуси йилда Самарқанд шаҳрида банк бошқарувчиларининг навбатдаги йиллик йиғилишини ўтказишга тайёргарлиқнинг амалий жиҳатлари ҳам муҳокама қилинди. Учрашув якунида мамлакатимизнинг ЕТТБ билан ҳамкорлигини мустаҳкамлашга қаратилган аниқ тадбирлардан иборат «Йўл харитаси»ни қабул қилишга келишиб олинди.

Ў.А.

Ўзбекистон Республикаси Президенти Матбуот хизмати суратлари.

ЎЗБЕКИСТОН ПРЕЗИДЕНТИ «ACWA POWER» КОМПАНИЯСИ БОШҚАРУВИ РАИСИ БИЛАН УЧРАШДИ

Ўзбекистон Республикаси Президенти Шавкат Мирзиёев 16 ноябрь куни Хорижий инвесторлар кенгашининг биринчи ялпи мажлиси доирасида «ACWA Power» компанияси бошқаруви раиси Муҳаммад Абдулла Абунайян билан учрашув ўтказди.

Жорий лойиҳаларни амалга ошириш масалалари ва ўзаро манфаатли ҳамкорлиқни янада кенгайтириш истиқболлари кўриб чиқилди.

ЎЗБЕКИСТОН ПРЕЗИДЕНТИ «CALIK HOLDING» КОМПАНИЯСИ РАҲБАРИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 16 ноябрь куни «Кўксарой» қароргоҳида «Calik Holding» компанияси бошқаруви раиси Аҳмет Чалиқни қабул қилди.

Учрашувда амалий ҳамкорлиқни чуқурлаштириш ва ўзаро манфаатли қўшма лойиҳаларни амалга ошириш масалалари атрофида кўриб чиқилди. Мамлакатимиз етакчиси Ўзбекистон ва Туркиянинг етакчи корхоналари ўртасидаги шериклиқнинг бугунги даражасини мамнуният билан қайд этди ҳамда иқтисодиётнинг устувор тармоқларидаги ҳамкорлиқни янада кенгайтириш учун катта салоҳият борлигини таъкидлади.

ЎЗБЕК ВА ТУРКМАН ХАЛҚЛАРИ ДЎСТЛИГИ ФЕСТИВАЛИ ИШТИРОКЧИЛАРИГА

Мухтарам фестиваль қатнашчилари! Қадрли дўстлар! Авваламбор, Туркменистоннинг бетакрор Дашоғуз шаҳрида бўлиб ўтаётган бугунги дўстлик фестивали юксак даражада ташкил этилгани учун Туркменистон Президенти хурмати Сердар Гурбангулиевич Бердимухамедовга ҳамда барча ташкилотчиларга ўзимнинг чуқур миннатдорлигимни изҳор этаман. Ҳеч шубҳасиз, ўзаро тарихий-маданий алоқалар ўзбек ва туркман халқлари ўртасидаги қўп асрлик биродарлиқнинг мустаҳкам та-

мал тоши бўлиб келмоқда. Чин қардошлик ва яхши қўшничилик ришталарини янада кучайтиришга қаратилган ушбу муҳим тадбир эса элу юртларимизнинг умумий эзгу мақсадлари ва орзу-интилошлари муштарак эканини яна бир бор аққол тасдиқлайди. Қайд этиш лозимки, сўнгги йилларда барча устувор соҳаларда мамлакатларимиз ўртасидаги ҳамкорлиқни ривожлантириш борасида улкан ишлар амалга оширилди. Шу ўринда Туркменистон Президенти хурмати Сердар Бердимухамедовнинг жорий йил июль ойида Тошкентга амалга

оширган тарихий ташрифи стратегик шериклигимизни янада чуқурлаштиришга катта куч ва шиддат бағишлаганини алоҳида таъкидлаб ўтмоқчиман. Шунингдек, кўп қиррали муносабатларимизнинг юксак ишонч ва бир-бирини қўллаб-қувватлаш руҳида ривожланиб боришида Туркменистон Миллий Кенгаши Халқ Маслаҳати раиси мухтарам Гурбангули Мялиқгулиевич Бердимухамедов Жаноби Олийларининг ҳам мисли кўрилмаган хиссаси борлигини айтиб ўтишни истар эдим.

«Дунё» АА.

